

Jesaja 2 : 1 - 5

- 1 De waorde, dee't Jesaja, Amoz zienen zönne, ovver Juda en Jeruzalem te heurn kreeg:
2 Gebeuren zal het in de tied, dat de dage op 't ende loopt:
vaste in den grond steet den barg van ZIEN huus,
as den hoogsten van de barge,
hoge bovven de heuvels uut;
de völker van de welt zölt allemaole in ne groten streum naor um hen kommen.
3 Ne helen bulte völker zölt der hengaon, zee zölt zeggen:
“Lao-w hengaon, op naor ZIENEN barg, naor het huus van Jakob zienen God.
Laot Hee ons in ziene waege wegwies maken,
zo da-w op ziene paede gaot!
Want van Zion gaot wegwiezers uut,
van Jeruzalem ZIENE waorde”.
4 Dan zal Hee rechten tussen de völker van de welt,
het tussen den helen bulte völker waer lieke maken.
Dan smeedt ze eure zwaerde umme tot schuppen,
eure spaern tot hiepen.
Neet maer zal volk teggen volk het zwaerd opnemmen,
neet maer zölt ze aorlogvoeren laeren.
5 Huus van Jakob, lao-w hengaon,
en wieterlopen in ZIEN lecht!

Vertaling: Henk Lettink